

## БУРДУК

II. Тулааһынап тыла

Тиэтэйбэккэ. Не спеша.

Дол-гу - йа хам - саа эн муо - ра кур - дук, то - ло - ру ас - таах са-һар-быт бур -

8  
дук. Ыа ҕас-таах уу - нан э-тин-нээх ар - дах куу гу - нуу ку - тан у-та-ҕын хан - на

Долгуйа хамсаа  
Эн муора курдук,  
Толору астаах  
Саһарбыт бурдук.  
Ыаҕастаах уунан  
Этиннээх ардах  
Куугунуу кутан  
Утаҕын ханна.

Көмүс төбөбүн  
Күннэ көтөбөн,  
Эн, түөрт өттүгүн  
Эргиччи көрөн,  
Үөрэн кэпсиигин:  
«Миэхэ ас кутан  
Хамсыы турдум мин,  
Хаһынтан куотан.

Аттаах да киһи  
Көстүбэт гына  
Үүннүм билигин  
Бу күөх сайынна.  
Колхозтаах дьонум,  
Быһын кэлэннит,  
Мин үүнэр дьолбун  
Эһи биэрбиккит.

Күндү туорахпын  
Тымныытган кистээн,  
Суулуу турабын  
Солко киистэнэн.  
Комбайн кэлэрин  
Күүтэ-күүтэбин,  
Күрүө үрдүнэн  
Күлүмнээн үүнэбин.”

Инньэ диэн бурдук  
Ыга куустуһар,  
Киэн муора курдук  
Суугунуу устар.  
Долгуйа хамсаа,  
Эн муора курдук,  
Толору астаах  
Саһарбыт бурдук.